



UNIVERSITÄTS-
BIBLIOTHEK
PADERBORN

Jus Canonicum Practice Explicatum

Seu Decisiones Casuum Ad Singulos Decretalium Gregorii Papæ IX. Titulos,
& ad Consuetum Referendi Modum accommodatæ

Complectens dimidiam Decretalium Partem, videlicet nonaginta duos
Titulos, nimirum usque ad Titulum XX. Libri de Feudis exclusivè

Pichler, Vitus

Ingolstadii, 1728

Decisio XXII. De Ordinato non in Diœcesi & loco Originis.

[urn:nbn:de:hbz:466:1-62305](https://nbn-resolving.org/urn:nbn:de:hbz:466:1-62305)

monium spirituale cum Christo vel Ecclesia contrahatur, per quod incuratur inhabilitas ad Matrimonium carnale contrahendum. Quod DD. dicunt cum Ant. de Butrio, intelligendum est & procedit tantum de contrahentibus alterum Matrimonium, & consummantibus utrumque, quo casu fiunt

bigami, sive contrahant valide, sive invalide: noster Proteus autem tantum semel, & unum Matrimonium contraxit, cum corrupta quidem, sed invalide, & sic pro fornicatore tantum habendus; pro quo casu non reperitur irregularitas in Jure statuta.



TITULUS XXII.

De Clericis Peregrinis.

DECISIO XXII.

De Ordinato non in dicecesi & loco originis.

SPECIES FACTI.

Arnulphus Serenissimi Electoris Bavariae, adhuc Gubernatoris Belgii, Officialis suscepit filium, nomine Maximilianum, ex Bertha adhuc soluta: Serenissimum autem Electorem in patriam reversum comitatus est Arnulphus relicto apud matrem filio Maximiliano, fixitque domicilium Monachii dicecesis Frisingensis, quod etiam Maximilianus post absolutas in

Belgio Lovanii humaniores litteras jam pubertatem & minores Ordines adeptus se contulit animo ibi perpetuo manendi. Postquam vero apud patrem Arnulphum per anni spatium moratus est, Ingolstadium venit, & superioribus Studiis absolutis Frisingam profectus ordinari petiit, non obstante, quod in Belgio natus & educatus sit. Unde consurgit



QUIÆ

QUÆSTIO.

An Maximilianus alibi natus & educatus ordinari poterit Frisingæ?

Videtur, quòd non. I. Quia Maximilianus in diocesi Frisingensi nec habuit domicilium originis, cum alibi sit natus, & educatus; nec domicilium habitationis, quia in Diocesi Frisingensi non stabiliter, sed tantum per annum, reliquo autem tempore commoratus est in diocesi Eustettensi, in qua situm est Ingolstadium, ubi studiis vocabat: ergo ex nullo capite subjectus fuit Episcopo Frisingensi, nec ibi beneficio provifus: ergo nec ibi ordinari potuit. c. 3. de tempor. Ord. in 6. ubi ad hoc, ut aliquis ordinari in aliqua diocesi possit, requiritur, ut ibi vel sit oriundus, vel domicilium habitationis fixerit stabile, vel beneficium habeat. II. Licet ex domicilio patris in filium transferatur domicilium originis. l. 1. §. 1. 6. §. 1. ff. ad municipalem, tamen domicilium non transit in filium, ut ibi consequatur domicilium habitationis stabile filius, ubi illud fixit pater. l. 6. cit. §. filius: ergo Maximilianus non fortitus est domicilium Monachii in Diocesi Frisingensi, ubi illud fixit Pater. III. Ad hoc, ut aliquis consequatur domicilium habitationis relicto domicilio originis, requiritur factum, & animus ipsius, qui vult fortiri domicilium habitationis. l. domicilium ff. eod. seu habitatio actualiter coepta in aliquo loco, & animus perpetuò ibi manendi: sed Maximilianus,

ex Belgio veniens in Bavariam, non cum animo manendi perpetuò Monachii venit ad patrem, licet hunc animum habuerit pater, cujus tamen animus & factum non sufficit ad constituendum filio jam puberi domicilium puberi, inquam, qui sibi ipsi constituere potest domicilium. l. placet. 2. cod. licet filius familias adhuc impubes convivens patri suo fortiatum idem domicilium, quod suis pater, & ibi fiat incola, ubi pater; cum impubes per seipsum eligere nequeat domicilium habitationis, etiam patre mortuo. Navar. ad Tit. de tempor. Ord. consil. n. 6. noster autem Maximilianus, in Belgio apud matrem educatus, jam pubes, & clericus Minoribus initiatus, ascendit in has partes.

Verum hæc omnia non fuerunt sufficientia ad impediendum, ne Maximilianus licet suscepit Ordines ultiores Frisingæ. Prob. Maximilianus Monachium veniens ad patrem fixit ibi domicilium: ergo potuit Frisingæ ordinari. Conf. patet ex c. 3. cit. & communi. Ant. prob. 1. Quia jam pubes effectus adivit domum patris sui cum animo ibi manendi perpetuò, ibique mansit per annum: adeoque posuit factum & animum, quæ duo requiruntur & sufficiunt ad figendum domicilium: & quamvis postea venerit Ingolstadium ad tertiam diocesim studio-

studiorum causâ, semper tamen re-
tinet animum redeundi ad patrem
Monachii in diœcesi Frisingensi exi-
stentem, nec habuit animum perpe-
tuò manendi Ingolstadii, sed solum
ad tempus, licet longius, donec ni-
mirum abolveret studia sua: quo pa-
trem tantum quasi-domicilium ibidem
nactus est, nec propterea amisit do-
micilium verum in loco patris jam
Monachii constitutum, per *text. in l.*
1. §. 2. C. de Incolis lib. 10. Idem
id. probatur 2. Maximilianus non
potest haberi pro vagabundo: ergo
alibi post desertum originis locum
nactus est domicilium: sed non alibi,
quam Monachii, ubi habitare cœpit
cum patre, & cum animo constanter
ibi manendi, nisi nimirum indè avo-
cet aliqua rationabilis causa, quod suf-
ficit ad constituendum domicilium.
per *l. 7. C. eod. ibi: unde rursus non
si discessurus, si NB. nihil avocet.* prob.
3. Filius alibi natus, postea tamen
accedens ad domum patris, si in do-
mo patris moritur, sepeliri de Jure de-
bet, ubi pater, nisi filius jam pubes
elegerit sepulturam alibi. *c. licet de se-
pulturis in 6.* non aliam ob causam, quam
quia in loco & domo patris censetur
elegerit domicilium habitationis, nisi
clare constat de opposito: ergo etiam
ordinari debet in loco seu diœcesi pa-

tris, ad quam accessit, si non con-
stat, aliud ab ipso domicilium habita-
tionis fuisse electum.

Ad opposita ex præmissis expedita
est responsio. Ad 1. Dico, Maxi-
milianum in diœcesi Frisingensi fixisse
domicilium habitationis; quia ad id
sufficit habitatio actualiter cœpta, e-
tiam per horam, modò adfit animus
perpetuò ibi manendi, nisi nempe
causa supervenerit, ob quam rationa-
biliter mutari possit hic animus. *l. 7.
cit.* nec Jura determinant, quantum
esse debeat tempus habitationis actua-
liter cœptæ & commorationis: ergo
sufficit quodlibet, etiam modicum,
commorationis tempus. Quòd stu-
diorum causâ aliò discesserit, non mu-
tavit animum habitationem continuandi
in loco patris, cum retinuerit ani-
mum redeundi ad illum, & sic non
mutavit domicilium. Ad 2. Domi-
cilium patris non quidem transit in fi-
lium puberem, nisi is accesserit ad pa-
trem cum proposito manendi stabiliter
in patris loco: si tamen filius impubes vi-
vat cum patre, cum sibi ipse eligere ne-
queat domicilium, fortitur domicili-
um patris: idem fit, si pubes eligat
vivere stabiliter in loco patris, uti fe-
cit Maximilianus. Ad III. *N. Min.*
Ratio negandi claret ex dictis.

